



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, broj 18/18 – prečišćeni tekst i broj 30/20), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst i brojevi: 17/20 i 24/20) i Prijedloga odluke gradonačelnika Brčko distrikta BiH, broj predmeta: 30-000240/21, broj akta: 01.1-1413EK-021/22 od 19. 8. 2022. godine, Skupština Brčko distrikta BiH, na 31. redovnoj sjednici održanoj 19. oktobra 2022. godine, donosi

ODLUKU O IZMJENI ODLUKE O UTVRĐIVANJU JAVNOG INTERESA

Član 1

U Odluci o utvrđivanju javnog interesa, broj: 01-02-6708/21 od 1. 12. 2021. godine, član 1 mijenja se i glasi: „Utvrdjuje se da je od javnog interesa za Brčko distrikt BiH izgradnja fekalnog kolektora i prečištača otpadnih voda (nastavak dijela izgrađenog kolektora kroz naselje „Ograđenovac“), u dijelu urbanog područja „Gornji Rahić“, na zemljištu označenom kao k. č. brojevi: 334, 2570/1, 2577/1, 446/2, 446/3, 447/4, 509/1, 460/2, 507, 461/1, 510/2, 506/1, 506/2, 506/3, 512/1 (508/2), 2570/3, 512/2, 2637 KO Gornji Rahić, urbano područje „Gornji Rahić“, u Brčko distriktu BiH“.

Član 2

U Odluci o utvrđivanju javnog interesa, broj: 01-02-6708/21 od 1. 12. 2021. godine, član 3 mijenja se i glasi: „Javni interes Brčko distrikta BiH iz člana 1 ove odluke utvrđuje se na osnovu Rješenja o lokacijskim uslovima s Grafičkim izvodom iz Prostornog plana Brčko distrikta BiH 2007–2017. godine, urbano područje „Gornji Rahić“ – namjena površina, broj predmeta: UP-I-22-001166/20 (06-1116OD-012/20) od 28. 9. 2020. godine i Zaključka broj: UP-I-22-000477/22 (broj akta: 06-1147EZ-003/22) od 18. 3. 2022. godine“.

Član 3

U svim ostalim dijelovima Odluka o utvrđivanju javnog interesa, broj: 01-02-6708/21 od 1. 12. 2021. godine, ostaje nepromijenjena.

Član 4

Ova odluka stupa na snagu danom donošenja i bit će objavljena u Službenom glasniku Brčko distrikta Bosne i Hercegovine.

Broj: 01-02-4814/22

Brčko, 19. 10. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Potpredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Odjeljenju za komunalne poslove
6. Sektoru za opće poslove i strateško planiranje
7. Arhivi